

Richard Arends:

E negociacion tabata uno compleho unda hopi asunto mester a wordo atendi

ORANJESTAD- Lider general di e team negociado entre e partidonan cu a yega na un acuerdo cu Citgo Petroleum Corporation, mr. drs. Richard Arends, pa lunanan largo tabata envolvi den e negociacionnan unda tabatin un bay bin di discusion y proposicion, riba dlanan liber, den weekend y den oranan laat di anochi.

E grupo di Aruba tabata kier a logra e miho deal posibel pa Aruba. A logra yega na un bon deal y awor e ultimo detayenan ta wordo poni den nan luga pa e acuerdo por bay Parlamento y despues cana su caminda na e departamentonan concerni pa e leyman nobo pa loke ta operacion di Citgo keda cla pa e facilidad por cuminsa draai dia 1 di augustus.

Arends a splica cu loke a tuma hopi tempo ta e echo



cu aki ta trata di un transicion comercial. “Loke nos a yega na dje ta un situacion cu ambos partido a saca lo miho di dje. Mi ta kere cu riba tur e puntonan y sigur esnan importante manera di labor, e parti di e balor agrega pa nos

economia, pero tambe e parti ‘berde’ di uzo di gas (LNG) etc. a yega na un acuerdo. E tabata un asunto como compleho, tabatin hopi asunto cu mester a keda regla pa por a yega na un acuerdo final.” Un di e condicionnan cu

gobierno a pone ta cu for di prome dia di operacion ta start cu gas.

“E prome bari di petroleo cu ta bay wordo refina na e facilidad di Aruba lo sosode pa medio di gas natural”. Mirando e situacion rond mun-

do unda prijsnan di petroleo ta bahando e pregunta cu ta surgi ta con Citgo ta bay haci ganashi si e tendencia aki sigui asina.

Di henter e cadena Citgo-PDVSA e facilidad na Aruba ta bay bira un ‘upgrader’ unda cu Aruba lo refina crudo extra pisa di Venezuela. E refineria di Aruba den pasado a wordo construi specialmente pa refina e tipo di crudo aki. Loke cu e upgrader na Aruba ta bay haci ta refina e crudo ey y haci di dje un crudo sintetico y e ultimo ey ta wordo bendi na otro refinarianan na un prijs entre 11 pa 14 dollar, mas abou cu e prijs di crudo cu ta awor na mas o menos 26 dollar. Obviamente ta asina cu mas e prijs di petroleo subi, mas ganashi e facilidad na Aruba lo haci. Pero asina mes cu awor tin un prijs mundial di petroleo bastante abou, e deal ta bon pa e cadena aki.”